



De Schnääfer.

Wann ich emol e Schatz mer such,
Muß 's was Raares sei";
Ich nemm net jeres gladd Gesicht
Grad vun de Shtrooß erei".
Schä" muß se sei" un lieb debei
Un frei vun Massemadde,
Un hadd se dann noch Geld wie Hei,
So dhut deß aah nix schadde.

Sie hann mich als dehäme schun
De Schnääfer nor gehääß,
Weil ich in allem wasß gefunn,
Wasß mer net recht geweßt.
Die erschte Blumme muscht ich hann,
Im Herbjcht die erschte Beere:
Wasß net mäh raar und selde war,
Deß kunnd mich net verfehre.

Un grad so geht mers mit de Määd,
Wasß uff de Shtrooß rumlaaft,

Ich schließlich doch bloß Duzendwaar
Wo mer im Laare kaast;
Un dhut sich aah mol e Gesicht
Un e Geschtald raus hewe,
Am Enn is doch e Makke draⁿ
Wie itweraal im Lewe.

Un so e Schatz, den will ich net,
Ich will e Määre hann,
Wie 's Rähner uff de weide Erd
Seiⁿ Eije nenne kann.
E Määre, wie die Welt noch kähns
Gesieh zu alle Zeide,
E Schatz, um denn de Keenig mich
Im Schtille mißt beneide.

Un des is ähnzig aah de Grund,
Daf ich noch lerrig bin.
Schun zwanzig Johre such ich, wo
Ich so e Määre finn;
Ahmol wer beinoh merß geglickt,
Nor ähns hadd noch gehaaberdt,
Verdammd, daß grad des Määre mer
E annrer wegg gefaapert.
